



Број/Број: 01/2а-50-3-2-33/13
Сарајево/Sarajevo: 18.3. 2013.

Predmet: Zabilješka sa sastanka predsjedavajućeg Komisije za vanjske poslove Mirze Kušljugića s ambasadorom Švicarske u Bosni i Hercegovini Andréom Schallerom

U srijedu, 13. 3. 2013., održan je sastanak predsjedavajućeg Komisije za vanjske poslove Mirze Kušljugića s ambasadorom Švicarske u Bosni i Hercegovini Nj.E. Andréom Schallerom. Sastanku je prisustvovao i Haris Lukvančić, savjetnik.

Mirza Kušljugić pozdravio je ambasadora Schallera i poželio mu dobrodošlicu. Upoznao je ambasadora Schallera s predstojećim sastankom komisija za vanjske poslove Hrvatske, Srbije, Crne Gore i BiH na kojem će se razgovarati o modelima dalje saradnje komisija za vanjske poslove s idejom da se približi model saradnje među nordijskim, baltičkim i zemljama Beneluksa. Kazao je da je na sastanku komisija za vanjske poslove predviđena i prezentacija informacije o aktivnostima Igmanske inicijative, predstavljanje aktivnosti Regionalnog vijeća za saradnju i izlaganje njegovih predstavnika o „Parlamentarnoj dimenziji RCC-a“ i „Strategiji razvoja zemalja jugoistočne Evrope 2020“. Posebno važnim Mirza Kušljugić ocijenio je šta će se govoriti o konkretnim temama kakva je „energetska politika s ciljem smanjenja energetskog siromaštva“ u okviru koje je predviđeno obraćanje ambasadora Švedske i Finske u BiH, predstavnika RCC-a i prezentacija eksperta iz oblasti „energetskog siromaštva“. U tom smislu kazao je da bi bilo korisno ako bi ambasador Schaller preko Vanjskopolitičke inicijative osigurao političku podršku za inicijative u sljedeće dvije godine.

Nj.E. André Schaller, ambasador Švicarske u BiH, zahvalio se Kušljugiću na doborodošlici. Kazao je da njegova zemlja podržava i pozdravlja sve oblike međudržavne saradnje i konkretne projekte koji doprinose prosperitetu društva. Dodao je da u Švicarskoj ne postoji model saradnje među parlamentima kao u nordijskim zemljama već da postoje grupe prijateljstva za svaku susjednu zemlju. Izdvojio je kao vrlo dobar, model prekogranične saradnje koji funkcioniра u Švicarskoj, od kojeg obični ljudi imaju mnogo koristi. Ponudio je pomoć s konkretnim i praktičnim upoznavanjem s modelom prekogranične saradnje.

Mirza Kušljugić je sa zadovoljstvom prihvatio inicijativu ambasadora Schallera i kazao da bi ova inicijativa o prekograničnoj saradnji, zajedno s procesom saradnje komisija za vanjske poslove Hrvatske, Srbije, Crne Gore i BiH koje bi se trebale sastajati svaka tri mjeseca, trebalo da dovede do samoodrživog procesa. Dodao je da, što bolje komisije za vanjske poslove iniciraju određene procese, to će biti lakše za ostale da te procese provedu. **Ambasador Schaller** kazao je da bi najbolje bilo da se krene s jednom temom i da se vidi kako se ona razvija. Predložio je da se zajedno s Vanjskopolitičkom inicijativom dogovore dalje aktivnosti o konkretnoj temi prekogranične saradnje.

Mirza Kušljugić podržao je prijedlog ambasadora Schallera i kazao da su prioritet vanjske politike BiH euroatlantske integracije, regionalna saradnja i ekonomski razvoj, a da je Komisija za vanjske poslove sebi kao prioritet stavila regionalnu saradnju koja je bazirana na principima relevantnim za obične ljude. Dodao je da će se komisije za vanjske poslove Hrvatske, Srbije, Crne Gore i BiH sastati još dva puta do kraja godine u Podgorici i Beogradu i da bi iskustvo Švicarske koja nije u EU ali je okružena zemljama koje su članice EU moglo biti od velike koristi za BiH.

Ambasador Schaller kazao je da je Švicarska, iako nije članica EU, ekonomski potpuno integrirana u EU. Dodao je da 250.000 ljudi svaki dan dođe u Švicarsku na posao i uveče se vraća svojoj kući.

Mirza Kušljugić je također kazao da Komisija za vanjske poslove planira posjetiti Parlament Švicarske u narednom periodu i podsjetio na zajedničko predsjedavanje Švicarske i Srbije Skupštinom OSCE-a 2014. i 2015. godine, o čemu će biti govora na narednim sastancima. Izrazio je očekivanje da će do kraja godine iz sastanaka komisija za vanjske poslove proizaći zaključak da imamo platformu za bolje odnose i saradnju.

Ambasador Schaller informirao je Kušljugića da će u kontekstu procesa ustavne reforme ustavnopravne komisije PSBiH posjetiti Švicarsku u maju i pozvao Komisiju za vanjske poslove da doprinese tom procesu.

Mirza Kušljugić zahvalio se ambasadoru i izrazio nadu da će te posjete imati koristan nastavak.

SEKRETAR
KOMISIJE ZA VANJSKE POSLOVE

Merdžana Iglica

Dostavljeno:

- Kolegiju Predstavničkog doma
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za međunarodne odnose i protokol
- a/a